

本紀

百濟

三國史記

五



三國史記卷第二十三

輸忠定難靖國贊化同德功臣開府儀同三司檢校太師守太保門下侍中判尚

書事兼吏禮部事集賢殿大學士監修國史上柱國致仕臣金富軾奉宣撰

百濟本紀第一

百濟始祖溫祚王其父鄒牟或云朱蒙自北扶
餘逃難至卒本扶餘扶餘王無子只有三女子
見朱蒙知非常人以第二女妻之未幾扶餘王
薨朱蒙嗣位生二子長曰沸流次曰溫祚或云朱蒙
到卒本娶越及朱蒙在北扶餘所生子來為太
郡女生二子子沸流溫祚恐為太子所不容遂與烏干馬黎

等十臣南行百姓從之者多遂至漢山登負兒
嶽望可居之地沸流欲居於海濱十臣諫曰惟
山河南之地北帶漢水東據高岳南望沃澤西
阻大海其天險地利難得之勢作都於斯不亦
宜乎沸流不聽分其民歸彌鄒忽以居之溫祚
都河南慰禮城以十臣為輔翼國號十濟是前
漢成帝鴻嘉三年也沸流以彌鄒土濕水醎不
得安居歸見慰禮都邑鼎定人民安泰遂慙悔
而死其臣民皆歸於慰禮後以來時百姓樂從
改號百濟其世系與高句麗同出扶餘故以扶

餘為氏

一始始祖沸流王其父優台北扶餘王

之女始歸于優台北生子二人長曰沸流次日溫

祚優台北死寡居于卒本後朱蒙不容於扶餘以

前漢建昭二年春二月南奔至卒本立都號高

勾麗娶召西奴為妃其於開基創業頗有內助

故朱蒙寵接之特厚待沸流等如已子及朱蒙

在扶餘所生禮氏子孺留來立之為太子以至

嗣位焉於此沸流謂弟溫祚曰始大王避扶餘

之難逃歸至此我母氏傾家財助成邦業其勤

勞多矣及大王厭世國家屬於孺留吾等徒在

此鬱鬱如疣贅不如奉母氏南遊卜地別立國

都遂與弟率黨類渡湍帶二水至彌鄒忽以居

之北史及言皆云東明之後有仇合篤於仁信

初立國于帶方故地漢遼東太守公孫

度以女妻之遂為東夷強國未知孰是

元年夏五月立東明王廟

二年春正月王謂羣臣曰韎韐連我北境其人

勇而多詐宜繕兵積穀為拒守之計三月王以族父乙音有智識膽力拜為右輔委以兵馬之事

三年秋九月靺鞨侵北境王帥勁兵急擊大敗之賊生還者十一二冬十月雷桃李華

四年春夏旱饑疫秋八月遣使樂浪修好

五年冬十月巡撫北邊獵獲神鹿

六年秋七月辛未晦日有食之

八年春二月靺鞨賊三千來圍慰禮城王閉城門不出經旬賊糧盡而歸王簡銳卒追及大芥

峴一戰克之殺虜五百餘人秋七月築馬首城
豎瓶山柵樂浪太守使告曰頃者聘問結好意
同一家今逼我疆造立城柵或者其有蠶食之
謀乎若不渝舊好隳城破柵則無所猜疑苟或
不然請一戰以決勝負王報曰設險守國古今
常道豈敢以此有渝於和好宜若執事之所不
疑也若執事恃強出師則小國亦有以待之耳
由是與樂浪失和

十年秋九月王出獵獲神鹿以送馬韓冬十月
靺鞨寇北境王遣兵二百拒戰於昆彌川上我

軍敗績依青木山自保王親帥精騎一百出烽
峴救之賊見之即退

十一年夏四月樂浪使靺鞨襲破瓶山柵殺掠
一百餘人秋七月設禿山狗川兩柵以塞樂浪
之路

十三年春二月王都老嫗化為男五虎入城王
母薨年六十一歲夏五月王謂臣下曰國家東
有樂浪北有靺鞨侵軼疆境少有寧日况今妖
祥屢見國母棄養勢不自安必將遷國予昨出
巡觀漢水之南土壤膏腴宜都於彼以圖久安

之計秋七月就漢山下立柵移慰禮城民戶八月遣使馬韓告遷都遂畫定疆場北至沮河南限熊川西窮大海東極走壤九月立城闕

十四年春正月遷都二月王巡撫部落務勸農事秋七月築城漢江西北分漢城民

十五年春正月作新宮室儉而不陋華而不侈十七年春樂浪來侵焚慰禮城夏四月立廟以祀國母

十八年冬十月靺鞨掩至王帥兵逆戰於七重河虜獲酋長素牟送馬韓其餘賊盡坑之十一

月王欲襲樂浪牛頭山城至白谷遇大雪乃還
二十年春二月王設大壇親祠天地異鳥五來
翔

二十二年秋八月築石頭高木二城九月王帥
騎兵一千獵芥峴東遇靺鞨賊一戰破之虜獲
生口分賜將士

二十四年秋七月王作熊川柵馬韓王遣使責
讓曰王初渡河無所容足吾割東北一百里之
地安之其待王不為不厚宜思有以報之今以
國完民聚謂莫與我敵大設城池侵犯我封疆

其如義何王慙遂壞其柵

二十五年春二月王宮井水暴溢漢城人家馬生牛一首二身日者曰井水暴溢者大王勃興之兆也牛一首二身者大王并鄰國之應也王聞之喜遂有并吞辰馬之心

二十六年秋七月王曰馬韓漸弱上下離心其勢不能又儻為他所并則唇亡齒寒悔不可及不如先人而取之以免後難冬十月王出師陽言田獵潛襲馬韓遂并其國邑唯圓山錦峴二城固守不下

二十七年夏四月二城降移其民於漢山之北
馬韓遂滅秋七月築大豆山城

二十八年春二月立元子多婁為太子委以內
外兵事夏四月隕霜害麥

三十一年春正月分國內民戶為南北部夏四
月雹五月地震六月又震

三十三年春夏大旱民饑相食盜賊大起王撫

安之秋八月加置東西二部

三十四年冬十月馬韓舊將周勤據牛谷城叛
王躬帥兵五千討之周勤自經腰斬其尸并誅

其妻子

三十六年秋七月築湯井城分大豆城民戶居之八月修葺圓山錦峴二城築古沙夫里城三十七年春三月雹大如雞子鳥雀遇者死夏四月旱至六月乃雨漢水東北部落饑荒亡入高勾麗者一千餘戶沮帶之間空無居人

三十八年春二月王巡撫東至走壤北至沮河五旬而返三月發使勸農桑其以不急之事擾民者皆除之冬十月王築大壇祠天地四十年秋九月靺鞨來攻述川城冬十一月又

襲斧峴城殺掠百餘人王命勁騎二百拒擊之
四十一年春正月右輔乙音卒拜北部鮮婁為
右輔鮮婁本扶餘人也神識淵奧年過七十旅
力不愆故用之二月發漢水東北諸部落人年
十五歲以上修營慰禮城

四十三年秋八月王田牙山之原五日九月鴻
鴈百餘集王宮日者曰鴻鴈民之象也將有遠
人來投者乎冬十月南沃沮仇頗解等二十餘
家至斧壤納款王納之安置漢山之西

四十五年春夏大旱草木焦枯冬十月地震傾

倒入屋

四十六年春二月王薨

多婁王溫祚王之子子器字寬厚有威望溫祚王在位第二十八年立為太子至四十六年王薨繼位

二年春正月謁始祖東明廟二月王祀天地於南壇

三年冬十月東部屹于與靺鞨戰於馬首山西克之殺獲甚衆王喜賞屹于馬十匹租五百石四年秋八月高木城昆優與靺鞨戰大克斬首

二百餘級九月王田於橫岳下連中雙鹿衆人歎美之

六年春正月立元子已婁為太子大赦二月下令國南州郡始作稻田

七年春二月右輔解婁卒年九十歲以東部屹于為右輔夏四月東方有赤氣秋九月靺鞨攻陷馬首城放火燒百姓廬屋冬十月又襲瓶山柵

十年冬十月右輔屹于為左輔北部真會為右輔十一月地震聲如雷

十一年秋穀不成禁百姓私釀酒冬十月王巡撫東西兩部貧不能自存者給穀八二石

二十一年春二月宮中大槐樹自枯三月左輔屹于卒王哭之哀

二十八年春夏旱慮囚赦死罪秋八月靺鞨侵

吐鄙

二十九年春二月王命東部築牛谷城以備靺

鞨

三十六年冬十月王拓地至娘子谷城仍遣使

新羅請會不從

三十七年王遣兵攻新羅蛙山城不克移兵攻
狗壤城新羅發騎兵二千逆擊走之
三十九年攻取蛙山城留二百人守之尋為新
羅所敗

四十三年遣兵侵新羅

四十六年夏五月戊午晦日有食之

四十七年秋八月遣將侵新羅

四十八年冬十月又攻蛙山城拔之

四十九年秋九月蛙山城為新羅所復

五十年秋九月王薨

已婁王多婁王之元子志識宏遠不留心細事
多婁王在位第六年立為太子至五十年王薨
繼位

九年春正月遣兵侵新羅邊境夏四月乙巳客
星入紫微

十一年秋八月乙未晦日有食之

十三年夏六月地震裂陷民屋死者多

十四年春三月大旱無麥夏六月大風拔木

十六年夏六月戊戌朔日有食之

十七年秋八月橫岳大石五一時隕落

二十一年夏四月二龍見漢江

二十三年秋八月隕霜殺菽冬十月雨雹

二十七年王獵漢山獲神鹿

二十九年遣使新羅請和

三十一年冬無冰

三十二年春夏旱年饑民相食秋七月鞞鞞入

牛谷奪掠民口而歸

三十五年春三月地震冬十月又震

三十七年遣使聘新羅

四十年夏四月鶴巢于郡城門上六月大雨決

旬漢江水漲漂毀民屋秋七月命有司補水損之田

四十九年新羅為靺鞨所侵掠移書請兵王遣五將軍救之

五十二年冬十一月王薨

蓋婁王已婁王之子性恭順有操行已婁在位五十二年薨即位

四年夏四月王獵漢山

五年春二月築北漢山城

十年秋八月庚子熒惑犯南斗

三國史記卷三十三
二十八年春正月丙申晦日有食之冬十月新
羅阿食吉宣謀叛事露來奔羅王移書請之不
送羅王怒出師來伐諸城堅壁自守不出羅兵
絕糧而歸

論曰春秋時莒僕來奔魯季文子曰見有禮於
其君者事之如孝子之養父母也見無禮於其
君者誅之如鷹鷂之逐鳥雀也觀莒僕不度於
善而在於凶德是以去之今吉宣亦姦賊之人
百濟王納而匿之是謂掩賊為蔽者也由是失
鄰國之和使民困於兵革之役其不明甚矣

三十九年王薨

肖古王

素古云

蓋婁王之子蓋婁在位三十九年

薨嗣位

二年秋七月潛師襲破新羅西鄙二城虜獲男女一千而還八月羅王遣一吉食興宣領兵二萬來侵國東諸城羅王又親帥精騎八千繼之掩至漢水王度羅兵衆不可敵乃還前所掠五年春三月丙寅晦日有食之冬十月出兵侵新羅邊鄙

二十一年冬十月無雲而雷星孛于西北二十

日而滅

二十二年夏五月王都井及漢水皆竭

二十三年春二月重修宮室出師攻新羅母山

城

二十四年夏四月丙午朔日有食之秋七月我

軍與新羅戰於狗壤敗北死者五百餘人

二十五年秋八月出兵襲新羅西境圓山鄉進

圍金谷城新羅將軍仇道帥馬兵五百拒之我

兵佯退仇道追至蛙山我兵反擊之大克

二十六年秋九月蚩尤旗見于角亢

三十四年秋七月地震遣兵侵新羅邊境

三十九年秋七月出兵攻新羅腰車城拔之殺其城主薛夫羅王奈解怒命伊伐食利晉為將帥六部精兵來攻我沙峴城冬十月星孛于東井

四十年秋七月太白犯月

四十三年秋蝗旱穀不順成盜賊多起王撫安之

四十四年冬十月大風拔木

四十五年春二月築赤峴沙道二城移東部民戶冬十月靺鞨來攻沙道城不克焚燒城門而

道

四十六年秋八月國南蝗害穀民饑冬十一月
無冰

四十七年夏六月庚寅晦日有食之

四十八年秋七月西部入 會獲白鹿獻之王

以為瑞賜穀一百石

四十九年秋九月命北部真果領兵一千襲取
靺鞨石門城冬十月靺鞨以勁騎來侵至于述
川王薨

三國史記卷第二十三

三國史記卷第二十四

輸忠定難靖國贊化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

百濟本紀第二

仇首王
責稽王

沙伴王
盼西王

古金王
比流王

契王
枕流王

近肖古王

近仇首王

仇首王

或云
貴須

肖古王之長子身長七尺威儀秀

異肖古在位四十九年薨即位

三年秋八月靺鞨來圍赤峴城城主固拒賊退

歸王帥勁騎八百追之戰沙道城下破之殺獲

甚衆

四年春二月設二柵於沙道城側東西相去十里分赤峴城卒戍之
五年王遣兵圍新羅獐山城羅王親帥兵擊之我軍敗績

七年冬十月王城西門火韎韞寇址邊遣兵拒之
八年夏五月國東大水山崩四十餘所六月戊辰晦日有食之秋八月大閱於漢水之西

九年春二月命有司修隄防三月下令勸農事
夏六月王都雨魚冬十月遣兵入新羅牛頭鎮抄掠民戶羅將忠萱領兵五千逆戰於熊谷大

敗單騎而遁十一月庚申晦日有食之

十一年秋七月新羅一吉食連珍來侵我軍逆

戰於蜂山下不克冬十月太白晝見

十四年春三月雨雹夏四月大旱王祈東明廟

乃雨

十六年冬十月王田於寒泉十一月大疫棘鞬

入牛谷界奪掠人物王遣精兵三百拒之賊伏

兵夾擊我軍大敗

十八年夏四月雨雹大如栗鳥雀中者死

二十一年王薨

古尔王蓋婁王之第二子也仇首王在位二十
一年薨長子沙伴嗣位而幼少不能為政肖古
王母弟古尔即位

三年冬十月王獵西海大島王射四十鹿
五年春正月祭天地用鼓吹二月田於釜山五
旬乃返夏四月震王宮門柱黃龍自其門飛出
六年春正月不雨至夏五月乃雨
七年遣兵侵新羅夏四月拜真忠為左將委以
內外兵馬事秋七月大閱於石川雙鴈起於川
上王射之皆中

九年春二月命國人開稻田於南澤夏四月以叔父質為右輔質性惠毅謀事無失秋七月出西門觀射

十年春正月設大壇祀天地山川

十三年夏大旱無麥秋八月魏幽州刺史毋丘儉與樂浪太守劉茂朔方太守王遵伐高勾麗王乘虛遣左將真忠襲取樂浪邊民茂聞之怒王恐見侵討還其民口

十四年春正月祭天地於南壇三月拜真忠為右輔真勿為左將委以兵馬事

十五年春夏旱冬民饑發倉賑恤又復一年租調

十六年春正月甲午太白襲月

二十二年秋九月出師侵新羅與羅兵戰於槐谷西敗之殺其將翊宗冬十月遣兵攻新羅烽山城不克

二十四年春正月大旱樹木皆枯

二十五年春靺鞨長羅渴獻良馬十匹王優勞使者以還之

二十六年秋九月青紫雲起宮東如樓閣

二十七年春正月置內臣佐平掌宣納事內頭
佐平掌庫藏事內法佐平掌禮儀事衛士佐平
掌宿衛兵事朝廷佐平掌刑獄事兵官佐平掌
外兵馬事又置達率恩率德率扞率奈率及將
德施德固德季德對德文督武督佐軍振武克
虞六佐平並一品達率二品恩率三品德率四
品扞率五品奈率六品將德七品施德八品固
德九品季德十品對德十一品文督十二品武
督十三品佐軍十四品振武十五品克虞十六
品二月下令六品已上服紫以銀花飾冠十一

品已上服緋十六品已上服青三月以王弟優
壽為內臣佐平十四品已上服青三月以王弟優
二十八年春正月初吉王服紫大袖袍青錦袴
金花飾烏羅冠素皮帶烏韋履坐南堂聽事二
月拜真可為內頭佐平優豆為內法佐平高壽
為衛士佐平昆奴為朝廷佐平惟己為兵官佐
平三月遣使新羅請和不從
二十九年春正月下令凡官人受財及盜者三
倍徵賊禁錮終身
二十三年秋八月遣兵攻新羅烽山城城主直

宣率壯士二百人出擊敗之

三十六年秋九月星孛于紫宮

三十九年冬十一月遣兵侵新羅

四十五年冬十月出兵攻新羅圍槐谷城

五十年秋九月遣兵侵新羅邊境

五十三年春正月遣使新羅請和冬十一月王

薨責稽王

或云青稽

古尔王子身長大志氣雄傑古

尔薨即位王徵發丁夫葺慰禮城高句麗伐帶

方帶方請救於我先是王娶帶方王女寶菓為

夫人故曰帶方我舅甥之國不可不副其請遂

出師救之高句麗怨王慮其侵寇修阿且城地
城備之

二年春正月謁東明廟

十三年秋九月漢與貊入來侵王出禦為敵兵

所害薨

汾西王責稽王長子幼而聰惠儀表英挺王愛
之不離左右及王薨繼而即位冬十月大赦

二年春正月謁東明廟

五年夏四月彗星晝見

七年春二月潛師襲取樂浪西縣冬十月王為

樂浪太守所遣刺客賊害薨

比流王仇首王第二子性寬慈愛人又強力善射久在民間令譽流聞及汾西之終雖有子皆幼不得立是以為臣民推戴即位

五年春正月丙子朔日有食之

九年春二月發使巡問百姓疾苦其鰥寡孤獨不能自存者賜穀人三石夏四月謁東明廟拜解仇為兵官佐平

十年春正月祀天地於南郊王親割牲
十三年春旱大星西流夏四月王都井水溢黑

龍見其中

十七年秋八月築射臺於宮西每以朔望習射
十八年春正月以王庶弟優福為內臣佐平秋
七月太白晝見國南蝗害穀

二十二年冬十月天有聲如風浪相激十一月
王獵於狗原北手射鹿

二十四年秋七月有雲如赤烏夾日九月內臣
佐平優福據北漢城叛王發兵討之
二十八年春夏大旱草木枯江水竭至秋七月
乃兩年饑人相食

三十年夏五月星隕王宮火連燒民戶秋七月
修宮室拜真義為內臣佐平冬十二月雷
三十二年冬十月乙未朔日有食之
三十三年春正月辛巳彗星見于奎
三十四年春二月新羅遣使來聘

四十一年冬十月王薨

契王汾西王之長子也天資剛勇善騎射初汾
西之薨也契王幼不得立比流王在位四十一
年薨即位

三年秋九月王薨

近肖古王比流王第二子也體貌奇偉有遠識
契王薨繼位

二年春正月祭天地神祇拜真淨為朝廷佐平
淨王后親戚性狼戾不仁臨事苛細恃勢自用
國入疾之

二十一年春三月遣使聘新羅

二十三年春三月丁巳朔日有食之遣使新羅

送良馬二匹

二十四年秋九月高句麗王斯由帥步騎二萬
求屯雉壤分兵侵奪民戶王遣太子以兵徑至

雉壤急擊破之獲五千餘級其虜獲分賜將士
冬十一月大閱於漢水南旗幟皆用黃

二十六年高句麗舉兵來王聞之伏兵於沮河
上俟其至急擊之高句麗兵敗北冬王與太子
帥精兵三萬侵高句麗攻平壤城麗王斯由力
戰拒之中流矢死王引軍退移都漢山

二十七年春正月遣使入晉朝貢秋七月地震
二十八年春二月遣使入晉朝貢秋七月築城
於青木嶺禿山城主率三百人奔新羅

三十年秋七月高句麗來攻北鄙水谷城陷之

王遣將拒之不克王又將大舉兵報之以年荒
不果冬十一月王薨古記云百濟開國已來未
有以文字記事至是得博士高興始有書記然
高興未嘗顯於他書不知其何許人也

近仇首王

諱俱云

近肖古王之子先是高勾麗國

岡王斯由親來侵近肖古王遣太子拒之至半
乞壤將戰高勾麗人斯紀本百濟人誤傷國馬
蹄懼罪奔於彼至是還來告太子曰彼師雖多
皆備數疑兵而已其驍勇唯赤旗若先破之其
餘不攻自潰太子從之進擊大敗之追奔逐北

至於水谷城之西北將軍莫古解諫曰嘗聞道家之言知足不辱知止不殆今所得多矣何必求多太子善之止焉乃積石為表登其上顧左右曰今日之後疇克再至於此乎其地有巖石罅若馬蹄者他人至今呼為太子馬迹近肖古在位三十年薨即位二年以王舅真高道為內臣佐平委以政事冬十一月高勾麗來侵北鄙五年冬十二月高勾麗來侵北鄙三年冬十月王將兵三萬侵高勾麗平壤城十一月高勾麗來侵

五年春三月遣使朝晉其使海上遇惡風不達而還夏四月雨土竟日
六年大疫夏五月地裂深五丈橫廣三丈三日乃合
八年春不雨至六月民饑至有鬻子者王出官穀贖之

十年春二月日有暈三重宮中大樹自拔夏四月王薨

枕流王近仇首王之元子毋曰阿尔夫人繼父即位秋七月遣使入晉朝貢九月胡僧摩羅難

隋自晉至王迎之致宮內禮敬焉佛法始於此
二年春二月創佛寺於漢山度僧十人冬十一
月王薨

隋文帝親臨三藏經王
侯斯王近親首王之仲子純流之弟為人
認其多類略就派之楚由太子少監
即任
二年春侯國內人
不廢此碑
八月高句麗求侯

五年春三月遣使慰勞蜀使楊上賜書曰示
而還夏四月兩上遣使

六年大疫夏五月魏制五丈原廢三丈三日

乃合

八年春二月魏使四月魏使至司馬懿王出宮

教諭

十年春二月魏使三月魏使至司馬懿王出宮

九月王薨

二十五年春二月魏使至司馬懿王出宮

三國史記卷第二十四內野塔司命命命命命

三國史記卷第二十五

輸忠定難靖國贊化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

百濟本紀第三

辰斯王
父木辛王

阿業王
毗有王

腆支王
蓋郎王

辰斯王近仇首王之仲子枕流之弟為人強勇
聰惠多智略枕流之薨也太子少故叔父辰斯
即位

二年春發國內人年十五歲已上設關防自青
木嶺北距八坤城西至於海秋七月隕霜害穀
八月高句麗來侵

三年春正月拜真嘉謨為達率豆知為恩率秋
九月與靺鞨戰關彌嶺不捷
五年秋九月王遣兵侵掠高勾麗南鄙
六年秋七月星孛于北河九月王命達率真嘉
謨伐高勾麗拔都坤城虜得二百人王拜嘉謨
為兵官佐平冬十月獵於狗原七日乃返
七年春正月重修宮室穿池造山以養奇禽異
卉夏四月靺鞨攻陷北鄙赤峴城秋七月獵國
西大島王親射鹿八月又獵橫岳之西
八年夏五月丁卯朔日有食之秋七月高勾麗

王談德帥兵四萬來攻北鄙陷石峴等十餘城
王聞談德能用兵不得出拒漢水北諸部落多
沒焉冬十月高句麗攻拔關彌城王田於狗原
經旬不返十一月薨於狗原行宮

阿幸王

或云阿芳

枕流王之元子初生於漢城別宮

神光炤夜及壯志氣豪邁好鷹馬王薨時年少
故叔父辰斯繼位八年薨即位
二年春正月謁東明廟又祭天地於南壇拜真
武為左將委以兵馬事武王之親舅沉毅有大
略時人服之秋八月王謂武曰關彌城者我北

鄱之襟要也今為高勾麗所有此寡人之所痛
惜而卿之所宜用心而雪耻也遂謀將兵一萬
伐高勾麗南鄙武身先士卒以冒矢石意復石
峴等五城先圍關彌城麗人嬰城固守武以糧
道不繼引而歸

三年春二月立元子腆支為太子大赦拜庶弟
洪為內臣佐平秋七月與高勾麗戰於水谷城
下敗績太白晝見

四年春二月星孛于西北二十日而滅秋八月
王命左將真武等伐高勾麗麗王談德親帥兵

七千陣於沮水之上拒戰我軍大敗死者八千
人冬十一月王欲報沮水之役親帥兵七千人
過漢水次於青木嶺下會大雪士卒多凍死廼
軍至漢山城勞軍士氣益壯王臨之於城上
六年夏五月王與倭國結好以太子腆支為質
秋七月大閱於漢水之南王將營於漢水之
七年春二月以真武為兵官佐平沙豆為左將
三月築雙峴城秋八月王將伐高句麗出師至
漢山北柵其夜大星落營中有聲王深惡之乃
止九月集都人習射於西臺

八年秋八月王欲侵高句麗大徵兵馬民苦於役多奔新羅戶口衰減
九年春二月星孛于奎婁夏六月庚辰朔日有食之

十一年夏大旱禾苗焦枯王親祭橫岳乃雨五月遣使倭國求大珠
十二年春二月倭國使者至王迎勞之特厚秋七月遣兵侵新羅邊境
十四年春三月白氣自王宮西起如匹練秋九月王薨

腆支王

直支云

梁書名映阿莘之元子阿莘在位

第三年立為太子六年出質於倭國十四年王
薨王仲弟訓解攝政以待太子還國季弟磔禮
殺訓解自立為王腆支在倭聞計哭泣請歸倭
王以兵士百人衛送既至國界漢城人解忠來
告曰大王棄世王弟磔禮殺兄自立願太子無
輕入腆支留倭人自衛依海島以待之國人殺
磔禮迎腆支即位妃八須夫人生子久尔辛
二年春正月王謁東明廟祭天地於南壇大赦
二月遣使入晉朝貢秋九月以解忠為達率賜

漢城租一千石

三年春二月拜庶弟餘信為內臣佐平解須為
內法佐平解丘為兵官佐平皆王戚也

四年春正月拜餘信為上佐平委以軍國政事

上佐平之職始於此若今之冢宰

五年倭國遣使送夜明珠王優禮待之

十一年夏五月甲申彗星見

十二年東晉安帝遣使冊命王為使持節都督

百濟諸軍事鎮東將軍百濟王

十三年春正月甲戌朔日有食之夏四月旱民

饑秋七月徵東北二部人年十五已上築沙口
城使兵官佐平解丘監役
十四年夏遣使倭國送白綿十匹

十五年春正月戊戌星孛于大微冬十一月丁
亥朔日有食之

十六年春三月王薨

久尔辛王腆支王長子腆支王薨即位

八年冬十二月王薨

毗有王久尔辛王之長子

或云腆支王庶子未知孰是

美姿

貌有口辯人所推重久尔辛王薨即位

二年春二月王巡撫四部賜貧乏穀有差倭國使至從者五十人

三年秋遣使入宋朝貢冬十月上佐平餘信卒以解須為上佐平十一月地震大風飛瓦十二月無水

四年夏四月宋文皇帝以王復修職貢降使冊

授先王映爵號

映支王十二年東晉冊命為使持節都督百濟諸軍事鎮東將

軍百濟王

七年春夏不雨秋七月遣使入新羅請和

八年春二月遣使新羅送良馬二匹秋九月又

送白鷹冬十月新羅報聘以良金明珠

十四年夏四月戊午朔日有食之冬十月遣使
入宋朝貢

二十一年夏五月宮南池中有火焰如車輪終
夜而滅秋七月旱穀不熟民饑流入新羅者多
二十八年星隕如雨星孛于西北長二丈許秋
八月蝗害穀年饑

二十九年春三月王獵於漢山秋九月黑龍見
漢江須臾雲霧晦冥飛去王薨

蓋鹵王

或云近蓋婁

諱慶司毗有王之長子毗有在

位二十九年薨嗣

十四年冬十月癸酉朔日有食之

十五年秋八月遣將侵高句麗南鄙冬十月葺
雙峴城設大柵於青木嶺分北漢山城士卒戍
之

十八年遣使朝魏上表曰臣立國東極豺狼隔
路雖世承靈化莫由奉藩瞻望雲闕馳情罔極
涼風微應伏惟皇帝陛下協和天休不勝係仰
之情謹遣私署冠軍將軍駙馬都尉弗斯侯長
史餘禮龍驤將軍帶方太守司馬張茂等授舫

波阻搜徑玄津託命自然之運遣進萬一之誠
冀神祇垂感皇靈洪覆克達天庭宣暢臣志雖
旦聞夕沒永無餘恨又云臣與高勾麗源出扶
餘先世之時篤崇舊款其祖釗輕廢鄰好親率
士衆凌踐臣境臣祖須整旅電邁應機馳擊矢
石暫交集斬釗首自爾已來莫敢南顧自馮氏
數終餘燼奔竄醜類漸盛遂見凌逼構怨連禍
三十餘載財殫力竭轉自孱蹶若天慈曲矜遠
及無外速遣一將來救臣國當奉送鄙女執帚
後宮并遣子弟牧圉外厩尺壤匹夫不敢自有

又云今璉有罪國自魚肉大臣疆族戮殺無已
罪盈惡積民庶崩離是滅之期假手之秋也且
馬族士馬有鳥畜之戀樂浪諸郡懷首丘之心
天威一舉有征無戰臣雖不敏志効畢力當率
所統承風響應且高句麗不義逆詐非一外慕
隗囂藩卑之辭內懷凶禍承突之行或南通劉
氏或北約蠕蠕共相脅齒謀凌王略昔唐堯至
聖致罰丹水孟嘗稱仁不捨塗詈涓流之水宜
早壅塞今若不取將貽後悔去庚辰年後臣西
界小石山北國海中見屍十餘并得衣器鞍勒

視之非高勾麗之物後聞乃是王人來降臣國
長蛇隔路以沉于海雖未委當深懷憤恚昔宋
戮申舟楚莊徒跣鷄操放鳩信陵不食克敵立
名美隆無已夫以區區偏鄙猶慕萬代之信况
陛下合氣天地勢傾山海豈今小豎跨塞天達
今上所得鞍一以實驗顯祖以其僻遠冒險朝
獻禮遇尤厚遣使者邵安與其使俱還詔曰得
表聞之無恙甚善卿在東隅處五服之外不遠
山海歸誠魏闕欣嘉至意用戢于懷朕承萬世
之業君臨四海統御羣生舍宇內清一八表歸

義襁負而至者不可稱數風俗之和士馬之盛
皆餘禮等親所聞見卿與高勾麗不穆屢致凌
犯苟能順義守之以仁亦何憂於寇讎也前所
遣使浮海以撫荒外之國從來積年往而不返
存亡達否未能審悉卿所送鞍比較舊乘非中
國之物不可以疑似之事以生必然之過經略
權要以具別旨又詔曰知高勾麗阻疆侵軼卿
上修先君之舊怨棄息民之大德兵交累載難
結荒邊使兼申胥之誠國有楚越之急乃應展
義扶微乘機電舉但以高勾麗稱藩先朝供職

日久於彼雖有自昔之釁於國未有犯令之愆
卿使命始通便求致伐尋討事會理亦未周故
往年遣禮等至平壤欲驗其由狀然高勾麗奏
請頻煩辭理俱詣行人不能抑其請司法無以
成其責故聽其所啓詔禮等還若今復違旨則
過咎益露後雖自陳無所逃罪然後興師討之
於義為得九夷之國世居海外道暢則奉藩惠
戢則保境故羈縻著於前典括貢曠於歲時卿
備陳疆弱之形具列往代之迹俗殊事異擬况
乖衷洪規大略其致猶在今中夏平一字內無

虞每欲陵威東極懸旌域表拯荒黎於偏方舒
皇風於遠服良由高勾麗即叙未及卜征今若
不從詔旨則卿之來謀載協朕意元戎啓行將
不云遠便可豫率同興具以待事時遣報使速
究彼情師舉之日卿為鄉導之首大捷之後又
受元功之賞不亦善乎所獻錦布海物雖不悉
達明卿至心今賜雜物如別又詔璉護送安等
安等至高勾麗璉稱昔與餘慶有讎不令東過
安等於是皆還乃下詔切責之後使安等從東
萊浮海賜餘慶璽書褒其誠節安等至海濱遇

風飄蕩竟不達而還王以麗人屢犯邊鄙上表乞師於魏不從王怨之遂絕朝貢

二十一年秋九月麗王巨璉帥兵三萬來圍王都漢城王閉城門不能出戰麗人分兵為四道夾攻又乘風縱火焚燒城門人心危懼或有欲出降者王窘不知所圖領數十騎出門西走麗人追而害之先是高勾麗長壽王陰謀百濟求可以間謀於彼者時浮屠道琳應募曰愚僧既不能知道思有以報國恩願大王不以臣不肖指使之期不辱命王悅密使譎百濟於是道琳

佯逃罪奔入百濟時百濟王近蓋婁好博奕道琳詣王門告曰臣少而學碁頗入妙願有聞於左右王召入對碁果國手也遂尊之為上客甚親昵之恨相見之晚道琳一日侍坐從容曰臣異國人也上不我踈外恩私甚渥而惟一技之是效未嘗有分毫之益今願獻一言不知上意如何耳王曰第言之若有利於國此所望於師也道琳曰大王之國四方皆山丘河海是天設之險非人為之形也是以四鄰之國莫敢有覬心但願奉事之不暇則王當以崇高之勢富有

之業竦人之視聽而城郭不葺宮室不修先王之骸骨權攢於露地百姓之屋廬屢壞於河流臣竊為大王不取也王曰諾吾將為之於是盡發國人烝土築城即於其內作宮樓閣臺榭無不壯麗又取大石於郁里河作擲以葬父骨緣河樹堰自地城之東至崇山之北是以倉庾虛竭人民窮困邦之隍杌甚於累卵於是道琳逃還以告之長壽王喜將伐之乃授兵於帥臣近蓋婁聞之謂子文周曰予愚而不明信用姦人之言以至於此民殘而兵弱雖有危事誰肯為

三國志卷之二十一

我力戰吾當死於社稷汝在此俱死無益也盍

避難以續國系焉文周乃與木易滿致祖彌桀

取木易祖彌皆復姓隋書以南行焉至是高勾

麗對盧齊于再曾桀婁古尔萬年再曾古尔茅

帥兵來攻北城七日而拔之移攻南城城中危

恐王出逃麗將桀婁等見王下馬拜已向王面

三唾之乃數其罪縛送於阿且城下戕之桀婁

萬年本國人也獲罪逃竄高勾麗

論曰楚明王之亡也勛公辛之弟懷將弑王曰

平王殺吾父我殺其子不亦可乎辛曰君討臣

誰敢讎之君命天也若死天命將誰讎桀婁等
自以罪不見容於國而導敵兵縛前君而害之
其不義也甚矣曰然則伍子胥之入郢鞭尸何
也曰楊子法言評此以為不由德所謂德者仁
與義而已矣則子胥之狠不如鄭公之仁以此
論之桀婁等之為不義也明矣

三國史記卷第二十五

三國史記卷第二十六

輸忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿大學士監修國史上柱國致仕臣金富軾奉宣撰

百濟本紀第四

文周王
正寧王

三斤王
聖王

東城王

文周王

或作汶洲

蓋鹵王之子也初毗有王薨蓋鹵

嗣位文周輔之位至上佐平蓋鹵在位二十一

年高勾麗來侵圍漢城蓋鹵嬰城自固使文周

求救於新羅得兵一萬迎麗兵雖退城破王死

遂即位性柔不斷而亦愛民百姓愛之冬十月

移都於熊津

二年春二月修葺大豆山城移漢北民戶三月
遣使朝宋高句麗塞路不達而還夏四月耽羅
國獻方物王喜拜使者為恩率秋八月拜解仇
為兵官佐平

三年春二月重修宮室夏四月拜王弟昆支為
內臣佐平封長子三斤為太子五月黑龍見熊
津秋七月內臣佐平昆支卒

四年秋八月兵官佐平解仇擅權亂法有無君
之心王不能制九月王出獵宿於外解仇使盜
害之遂薨三斤王或云文周王之長子王薨繼

位年十三歲軍國政事一切委於佐平解仇
二年春佐平解仇與恩率燕信聚衆據大豆城
叛王命佐平真男以兵二千討之不克更命德
率真老帥精兵五百擊殺解仇燕信奔高勾麗
收其妻子斬於熊建市
論曰春秋之法君弑而賊不討則深責之以為
無臣子也解仇賊害文周其子三斤繼立非徒
不能誅之又委之以國政至於據一城以叛然
後再興大兵以克之所謂履霜不戒馴致堅冰
熒熒不滅至于炎炎其所由来漸矣唐憲宗之

弑三世而後僅能殺其賊况海隅之荒僻三斤
之童蒙又烏足道哉

三月己酉朔日有食之

三年春夏大旱秋九月移大豆城於斗谷冬十

一月王薨

東城王諱牟大

或作摩牟

文周王弟昆支之子膽力

過人善射百發百中三斤王薨即位

四年春正月拜真老為兵官佐平兼知内外兵

馬事秋九月韃靼襲破漢山城虜三百餘戶以

歸冬十月大雪丈餘

五年春王以獵出至漢山城撫問軍民浹旬乃還夏四月獵於熊津北獲神鹿

六年春二月王聞南齊祖道成冊高勾麗巨璉為驃騎大將軍遣使上表請內屬許之秋七月遣內法佐平沙若思如南齊朝貢若思至西海中遇高勾麗兵不進

七年夏五月遣使聘新羅

八年春二月拜若加為衛士佐平三月遣使南齊朝貢秋七月重修宮室築牛頭城冬十月大闢於宮南

十年魏遣兵來伐為我所敗

十一年秋大有年國南海村人獻合穎禾冬十月王設壇祭天地十一月宴羣臣於南堂

十二年秋七月徵比部人年十五歲已上築沙峴耳山二城九月王田於國西泗泚原拜燕突而達率冬十一月無冰

十三年夏六月熊川水漲漂沒王都二百餘家秋七月民饑亡入新羅者六百餘家

十四年春三月雪夏四月大風拔木冬十月王獵牛鳴谷親射鹿

十五年春三月王遣使新羅請婚羅王以伊食
比智女歸之

十六年秋七月高勾麗與新羅戰薩水之原新
羅不克退保大牙城高勾麗圍之王遣兵三千
救解圍

十七年夏五月甲戌朔日有食之秋八月高勾
麗來圍雉壤城王遣使新羅請救羅王命將軍
德智帥兵救之麗兵退歸

十九年夏五月兵官佐平真老卒拜達率燕突
為兵官佐平夏六月大雨漂毀民屋

二十年設熊津橋秋七月築沙井城以扞卒毗
陀鎮之八月王以耽羅不修貢賦親征至武珍
州耽羅聞之遣使乞罪乃止

耽羅即
牟羅

二十一年夏大旱民饑相食盜賊多起臣寮請
發倉賑救王不聽漢山人亡入高句麗者二千
冬十月大疫

二十二年春起臨流閣於宮東高五丈又穿池
養奇禽諫臣抗疏不報恐有復諫者閉宮門

論曰良藥苦口利於病忠言逆耳利於行是以
古之明君虛已問政和顏受諫猶恐人之不言

懸敢諫之鼓立誹謗之木而不已今年大王諫書上而不省復閉門以拒之莊子曰見過不更聞諫愈甚謂之狠其年大王之謂乎

夏四月田於牛頭城遇雨雹乃止五月旱王與左右宴臨流閣終夜極歡

二十三年春正月王都老嫗化狐而去二虎鬪於南山捕之不得三月降霜害麥夏五月不雨至秋七月設柵於炭峴以備新羅八月築加林城以衛士佐平菑加鎮之冬十月王獵於泗沘東原十一月獵於熊川北原又田於泗沘西原

三區史才卷二
王

阻大雪宿於馬浦村初王以苟加鎮加林城加

不欲往辭以疾王不許是以怨王至是使人刺

王至十二月乃薨謚曰東城王丹府元龜云南

濟王年都遣使貢獻詔曰寶命惟新澤被絕域

年都世蕃東表守職選外可即授使持節都督

百濟諸軍事鎮東大將年又永明八年百濟王

年大遣使上表遣謁者僕射孫副策命大襲亡

祖父年都為百濟王日於戲准爾世襲忠勤誠

著遺表海路肅澄要貢無替式循襲典用纂顯

命往敬我其敬膺休業可不慎歟行都督百濟
諸軍事鎮東大將軍百濟王而三韓亡記無年
都為王之事又按年大蓋鹵王之孫蓋鹵第二
子昆支之子不言其祖年都則齊書所載不可
疑不

武寧王諱斯摩降或云年大王之第二子也身長

八尺眉目如畫仁慈寬厚民心歸附牟大在位二十三年薨即位春正月佐平荀加據加林城叛王帥兵馬至牛頭城命扞率解明討之荀加出降王斬之投於白江

論曰春秋曰人臣無將將而必誅若荀加之元惡大慝則天地所不容不即罪之至是自知難免謀叛而後誅之晚也

冬十一月遣達率優永帥兵五千襲高勾麗水谷城

二年春民饑且疫冬十一月遣兵侵高勾麗邊

境

三年秋九月靺鞨燒馬首柵進攻高木城王遣兵五千擊退之冬無冰

六年春大疫三月至五月不雨川澤竭民饑發倉賑救秋七月靺鞨來侵破高木城殺虜六百餘人

七年夏五月立二柵於高木城南又築長嶺城以備靺鞨冬十月高勾麗將高老與靺鞨謀欲攻漢城進屯於橫岳下王出師戰退之十年春正月下令完固隄防驅内外游食者歸

農

十二年夏四月遣使入梁朝貢秋九月高句麗襲取加弗城移兵破圓山城殺掠甚衆王帥勇騎三千戰於葦川之北麗人見王軍小易之不設陣王出奇急擊大破之

十六年春三月戊辰朔日有食之

二十一年夏五月大水秋八月蝗害穀民饑亡入新羅者九百戶冬十一月遣使入梁朝貢先是為高句麗所破衰弱累年至是上表稱累破高句麗始與通好而更為強國十二月高祖詔

冊王曰行都督百濟諸軍事鎮東大將軍百濟王餘隆守藩海外遠修貢職廼誠款到朕有嘉焉宜率舊章授茲榮命可使持節都督百濟諸軍事寧東大將軍

二十二年秋九月王獵于狐山之原冬十月地震

二十三年春二月王幸漢城命佐乎因友達率沙烏等徵漢北州郡民年十五歲已上築雙峴城三月至自漢城夏五月王薨謚曰武寧聖王諱明禮武寧王之子也智識英邁能斷事

武寧薨繼位國人稱為聖王秋八月高勾麗兵至湏水王命左將志忠帥步騎一萬出戰退之二年梁高祖詔冊王為持節都督百濟諸軍事綏東將軍百濟王

三年春二月與新羅交聘

四年冬十月修葺熊津城立沙井柵

七年冬十月高勾麗王興安躬帥兵馬來侵拔北鄙穴城命佐平燕謨領步騎三萬拒戰於五谷之原不克死者二千餘人

十年秋七月甲辰星隕如雨

十二年春三月遣使入梁朝貢夏四月丁卯熒惑犯南斗

十六年春移都於泗水

一名所夫里

國號南扶餘

十八年秋九月王命將軍燕會攻高句麗牛山城不克

十九年王遣使入梁朝貢燕表請毛詩博士涅槃等經義并工匠畫師等從之

二十五年春正月己亥朔日有食之

二十六年春正月高句麗王平成與濊謀攻漢

北獨山城王遣使請救於新羅羅王命將軍朱

珍領甲卒三千發之朱珍日夜兼程至獨山城
下與麗兵一戰大破之

二十七年春正月庚申白虹貫日冬十月王不
知梁京師有寇賊遣使朝貢使人既至見城闕
荒毀並號泣於端門外行路見者莫不灑淚侯
景聞之大怒執囚之及景平方得還國

二十八年春五月王遣將軍達已領兵一萬攻
取高勾麗道薩城三月高勾麗兵圍金峴城

三十一年秋七月新羅取東北鄙置新州冬十
月王女歸于新羅

三十二年秋七月王欲襲新羅親帥步騎五十
夜至狗川新羅伏兵發與戰為亂兵所害薨謚
曰聖

三國史記卷第二十六

三國史記卷第二十七

輸忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

百濟本紀第五

武王

德王

惠王

法王

威德王諱昌聖王之元子也聖王在位三十二年薨繼位

元年冬十月高句麗大舉兵來攻熊川城敗衄而歸

六年夏五月丙辰朔日有食之

八年秋七月遣兵侵掠新羅邊境羅兵出擊敗

之死者一千餘人

十四年秋九月遣使入陳朝貢

十七年高齊後主拜王為使持節侍中車騎大

將軍帶方郡公百濟王

十八年高齊後主又以王為使持節都督東青

州諸軍事東青州刺史

十九年遣使入齊朝貢秋九月庚子朔日有食

之

二十四年秋七月遣使入陳朝貢冬十月侵新

羅西邊州郡新羅伊飡世宗帥兵擊破之十一

月遣使入宇文周朝貢

二十五年遣使入宇文周朝貢

二十六年冬十月長星竟天二十日而滅地震

二十八年王遣使入隋朝貢隋高祖詔拜王為

上開府儀同三司帶方郡公

二十九年春正月遣使入隋朝貢

三十一年冬十一月遣使入陳朝貢

三十三年遣使入陳朝貢

三十六年隋平陳有一戰船漂至耽牟羅國其

船得還經于國界王資送之甚厚并遣使奉表

賀平陳高祖善之下詔曰百濟王既聞平陳達
令奉表往復至難若逢風浪便致傷損百濟王
心迹淳至朕已委知相去雖遠事同言面何必
數遣使來相體悉自今已後不須年別入貢朕
亦不遣使往王宜知之

三十九年秋七月壬申晦日有食之

四十一年冬十一月癸未星孛于角亢

四十五年秋九月王使長史王辯那入隋朝獻
王聞隋興遼東之役遣使奉表請為軍道帝下
詔曰往歲高句麗不供職貢無人臣禮故命將

討之高元君臣恐懼畏服歸罪朕已赦之不可
致伐厚我使者而還之高勾麗頗知其事以兵
侵掠國境冬十二月王薨羣臣議謚曰威德
惠王諱季明王第二子昌王薨即位

二年王薨謚曰惠

法王諱宣

或云孝順

惠王之長子惠王薨子宣繼位

隋書以宣為昌王之子

冬十二月下令禁殺生收民家所

養鷹鷄放之漁獵之具焚之

二年春正月創王興寺度僧三十人大旱王幸
叅岳寺祈雨夏五月薨上謚曰法

武王諱璋法王之子風儀英偉志氣豪傑法王
即位翌年薨子嗣位

三年秋八月王出兵圍新羅阿莫山城

一名毋山城

羅王真平遣精騎數千拒戰之我兵失利而還
新羅築小陀畏石泉山甕岑四城侵逼我疆境
王怒令佐平解讎帥步騎四萬進攻其四城新
羅將軍乾品武殷帥衆拒戰解讎不利引軍退
於泉山西大澤中伏兵以待之武殷乘勝領甲
卒一千追至大澤伏兵發急擊之武殷墜馬士
卒驚駭不知所為武殷子貴山大言曰吾嘗受

教於師曰士當軍無退豈敢奔退以墜師教乎
以馬授父即與小將箒項揮戈力鬪以死餘兵
見此益奮我軍敗績解讎僅免單馬以歸

六年春二月築角山城秋八月新羅侵東鄙

七年春三月王都雨土晝暗夏四月大旱年饑
八年春三月遣杵率燕文進入隋朝貢又遣佐
平王孝隣入貢兼請討高勾麗煬帝許之令覘
高勾麗動靜夏五月高勾麗來攻松山城不下
移襲石頭城虜男女三千而歸
九年春三月遣使入隋朝貢隋文林郎裴清奉

使倭國經我國南路

十二年春二月遣使入隋朝貢隋煬帝將征高
句麗王使國智牟入請軍期帝悅厚加賞錫遣
尚書起部郎席律來與王相謀秋八月築赤岳
城冬十月圍新羅椴岑城殺城主讚德滅其城
十三年隋六軍度遼王嚴兵於境聲言助隋實
持兩端夏四月震宮南門五月大水漂沒人家
十七年冬十月命達率苟奇領兵八千攻新羅
毋山城十一月王都地震

十九年新羅將軍邊品等來攻椴岑城復之奚

論戰死

二十二年冬十月遣使入唐獻果下馬

二十四年秋遣兵侵新羅勒弩縣

二十五年春正月遣大臣入唐朝貢高祖嘉其誠款遣使就冊為帶方郡王百濟王秋七月遣使入唐朝貢冬十月攻新羅速含櫻岑歧岑烽岑旗懸冗柵等六城取之

二十六年冬十一月遣使入唐朝貢

二十七年遣使入唐獻明光鎧因訟高勾麗梗道路不許來朝上國高祖遣散騎常侍朱子奢

來詔諭我及高句麗平其怨秋八月遣兵攻新羅王在城執城主東所殺之冬十二月遣使入唐朝貢

二十八年秋七月王命將軍沙乞拔新羅西鄙二城虜男女三百餘口王欲復新羅侵奪地分大舉兵出屯於熊津羅王真平聞之遣使告急於唐王聞之乃止秋八月遣王姪福信入唐朝貢太宗謂與新羅世讎數相侵伐賜王璽書曰王世為君長撫有東蕃海隅遐曠風濤艱阻忠款之至職貢相尋尚想嘉猷甚以欣慰朕祇承

寵命君臨區宇思弘正道愛育黎元舟車所通
風雨所及期之遂性咸使乂安新羅王金真平
朕之蕃臣王之鄰國每聞遣師征討不息阻兵
安忍殊乖所望朕已對王姪福信及高勾麗新
羅使人具勅通和咸許輯睦王必須忘彼前怨
識朕本懷共篤鄰情即停兵革王因遣使奉表
陳謝雖外稱順命內實相仇如故
二十九年春二月遣兵攻新羅搬峰城不克而
還

三十年秋九月遣使入唐朝貢

三十一年春二月重修泗沘之宮王幸熊津城
夏旱停泗沘之役秋七月王至自熊津

三十二年秋九月遣使入唐朝貢

三十三年春正月封元子義慈為太子二月改

築馬川城秋七月發兵伐新羅不利王田于生

草之原冬十二月遣使入唐朝貢

三十四年秋八月遣將攻新羅西谷城十三日

拔之

三十五年春二月王興寺成其寺臨水彩飾壯

麗王每乘舟入寺行香三月穿池於宮南引水

二十餘里四岸植以楊柳水中築島嶼擬方丈
仙山

三十七年春二月遣使入唐朝貢三月王率左
右臣寮遊燕於泗沘河北浦兩岸奇巖怪石錯
立間以奇花異草如畫圖王飲酒極歡鼓琴自
歌從者屢舞時人謂其地為大王浦夏五月王
命將軍于召帥甲士五百往襲新羅獨山城于
召至玉門谷日暮解鞍休士新羅將軍開川將
兵掩至麇擊之于召登大石上彎弓拒戰矢盡
為所擒六月旱秋八月燕羣臣於望海樓

三十八年春二月王都地震三月又震冬十二月遣使入唐獻鐵甲雕斧太宗優勞之賜錦袍并彩帛三千段

三十九年春三月王與嬪御泛舟大池

四十年冬十月又遣使於唐獻金甲雕斧

四十一年春正月星孛于西北二月遣子弟於

唐請入國學

四十二年春三月王薨謚曰武使者入唐素服奉表曰君外臣扶餘璋卒帝舉哀玄武門詔曰懷遠之道莫先於寵命飾終之義無隔於遐方

故柱國帶方郡王百濟王扶餘璋棧山航海遠
稟正朔獻琛奉牘克固始終奄致薨殞追深慙
悼宜加常數式表哀榮贈光祿大夫賻賜甚厚

三國史記卷第二十七

三國史記卷第二十八

輸忠定難靖國資化同德功臣開府儀同三司檢校太師守太保門下侍中判尚

書事兼史禮部事集賢殿太學士監修國史上柱國致仕臣金富軾奉宣撰

百濟本紀第六

義慈王

義慈王武王之元子雄勇有膽決武王在位三十三年立為太子事親以孝與兄弟以友時號海東曾子武王薨太子嗣位太宗遣祠部郎中鄭文表冊命為柱國帶方郡王百濟王秋八月遣使入唐表謝兼獻方物

二年春正月遣使入唐朝貢二月王巡撫州郡

慮囚除死罪皆原之秋七月王親帥兵侵新羅
下獼猴等四十餘城八月遣將軍允忠領兵一
萬攻新羅大耶城城主品釋與妻子出降允忠
盡殺之斬其首傳之王都生獲男女一千餘人
分居國西州縣留兵守其城王賞允忠功馬二
十匹穀一千石
三年春正月遣使入唐朝貢冬十一月王與高
句麗和親謀欲取新羅党項城以塞入朝之路
遂發兵攻之羅王德曼遣使請救於唐王聞之
罷兵

四年春正月遣使入唐朝貢太宗遣司農丞相
里玄獎告諭兩國王奉表陳謝立王子隆為太
子大赦秋九月新羅將軍庾信領兵來侵取七
城

五年夏五月王聞太宗親征高勾麗徵兵新羅
乘其間襲取新羅七城新羅遣將軍庾信來侵
七年冬十月將軍義直帥步騎三千進屯新羅
茂山城下分兵攻甘勿桐岑二城新羅將軍庾
信親勵士卒決死而戰大破之義直匹馬而還
八年春三月義直襲取新羅西鄙腰車等一十

三國志卷二十一
餘城夏四月進軍於玉門谷新羅將軍庾信逆
之再戰大敗之

九年秋八月王遣左將殷相帥精兵七千攻取
新羅石吐等七城新羅將庾信陳春天存竹旨
等逆擊之不利收散卒屯於道蔭城下再戰我
軍敗北冬十一月雷無冰

十一年遣使入唐朝貢使還高宗降璽書諭王
曰海東三國開基日久並列疆界地實犬牙近
代已來遂構嫌隙戰爭交起略無寧歲遂令三
韓之氓命懸刀俎築戈肆憤朝夕相仍朕代天

理物載深矜憫去歲高句麗新羅等使並來入
朝朕命釋茲讎怨更敦睦新羅使金法敏奏
言高句麗百濟脣齒相依竟舉干戈侵逼交至
大城重鎮並為百濟所併疆宇日蹙威力並謝
乞詔百濟令歸所侵之城若不奉詔即自興兵
打取但得古地即請交和朕以其言既順不可
不許昔齊桓列士諸侯尚存亡國况朕萬國之
主豈可不恤危藩王所兼新羅之城並宜還其
本國新羅所獲百濟俘虜亦遣還王然後解患
釋紛紜戈偃革百姓獲息肩之願三蕃無戰爭

之勞比夫流血邊亭積屍疆場耕織並廢士女
無聊豈可同年而語哉王若不從進止朕已依
法敏所請任其與王決戰亦令約束高句麗不
許遠相救恤高句麗若不承命即令契丹諸藩
度遼深入抄掠王可深思朕言自求多福審圖
良策無貽後悔

十二年春正月遣使入唐朝貢

十三年春大旱民饑秋八月王與倭國通好
十五年春二月修太子宮極侈麗立望海亭於
王宮南夏五月驛馬入北岳烏舍寺鳴匝佛宇

數日死秋七月重修馬川城八月王與高句麗
靺鞨攻破新羅三十餘城新羅王金春秋遣使
朝唐表稱百濟與高句麗靺鞨侵我北界沒三
十餘城

十六年春三月王與宮人淫荒耽樂飲酒不止

佐平成忠

或云淨忠

極諫王怒囚之獄中由是無敢

言者成忠瘐死臨終上書曰忠臣死不忘君願
一言而死臣常觀時察變必有兵革之事凡用
兵必審擇其地處上流以延敵然後可以保全
若異國兵來陸路不使過沉峴水軍不使入伎

伐浦之岸據其險隘以禦之然後可也王不省焉

十七年春正月拜王庶子四十一人為佐平各賜食邑夏四月大旱赤地

十九年春二月衆狐入宮中一白狐坐上佐平書案夏四月太子宮雌鷄與小雀交遣將侵攻新羅獨山桐岑二城五月王都西南泗沘河大魚出死長三丈秋八月有女屍浮生草津長十八尺九月宮中槐樹鳴如人哭聲夜鬼哭於宮南路

二十年春二月王都井水血色西海濱小魚出
死百姓食之不能盡泗沘河水赤如血色夏四
月蝦蟇數萬集於樹上王都市人無故驚走如
有捕捉者僵仆而死百餘人立失財物不可數
五月風雨暴至震天王道讓二寺塔又震白石
寺講堂玄雲如龍東西相聞於空中六月王興
寺衆僧皆見若有船楫隨大水入寺門有一犬
狀如野鹿自西至泗沘河岸向王宮吠之俄而
不知所去王都羣犬集於路上或吠或哭移時
即散有一鬼入宮中大呼百濟亡百濟亡即入

地王恠之使人掘地深三尺許有一龜其背有文曰百濟同月輪新羅如月新王問之巫者曰同月輪者滿也滿則虧如月新者未滿也未滿則漸盈王怒殺之或曰同月輪者盛也如月新者微也意者國家盛而新羅寢微者乎王喜高宗詔左衛大將軍蘇定方為神丘道行軍大總管率左衛將軍劉伯英右武衛將軍馮士貴左驍衛將軍龐孝公統兵十三萬以來征蕪以新羅王金春秋為嶠夷道行軍總管將其國兵與之合勢蘇定方引軍自城山濟海至國西德物

島新羅王遣將軍金庾信領精兵五萬以赴之
王聞之會羣臣問戰守之宜佐平義直進曰唐
兵遠涉溟海不習水者在船必困當其初下陸
士氣未平急擊之可以得志羅人恃大國之援
故有輕我之心若見唐人失利則必疑懼而不
敢銳進故知先與唐人決戰可也達率常永等
曰不然唐兵遠來意欲速戰其鋒不可當也羅
人前屢見敗於我軍今望我兵勢不得不恐今
日之計宜塞唐人之路以待其師老先使偏師
擊羅軍折其銳氣然後伺其便而合戰則可得

以全軍而保國矣王猶豫不知所從時佐平興
首得罪流竄古馬彌知之縣遣人問之曰事急
矣如之何而可乎興首曰唐兵既衆師律嚴明
况與新羅共謀犄角若對陣於平原廣野勝敗
未可知也白江或云伎伐浦炭峴或云沉峴我國之要路
也一夫單槍萬人莫當宜簡勇士往守之使唐
兵不得入白江羅人未得過炭峴大王重閉固
守待其資糧盡士卒疲然後奮擊之破之必矣
於時大臣等不信曰興首久在縲紲之中怨君
而不愛國其言不可用也莫若使唐兵入白江

汭流而不得方舟羅軍升炭峴由徑而不得並
焉當此之時縱兵擊之譬如殺在籠之雞離網
之魚也王然之又聞唐羅兵已過白江炭峴遣
將軍塔伯帥死士五千出黃山與羅兵戰四合
皆勝之兵寡力屈竟敗塔伯死之於是合兵禦
熊津口瀕江屯兵定方出左涯乘山而陣與之
戰我軍大敗王師乘潮舳艫銜尾進鼓而譟定
方將步騎直趨貧都城一舍止我軍悉衆拒之
又敗死者萬餘人唐兵乘勝薄城王知不免嘆
曰悔不用成忠之言以至於此遂與太子孝走

北鄙定方圍其城王次子泰自立為王率衆固
守太子子文思謂王子隆曰王與太子出而叔
擅為王若唐兵解去我等安得全遂率左右絕
而出民皆從之泰不能止定方令士超堞立唐
旗幟泰窘迫開門請命於是王及太子孝與諸
城皆降定方以王及太子孝王子泰隆演及大
臣將士八十八人百姓一萬二千八百七人送
京師國本有五部三十七郡二百城七十六萬
戶至是析置熊津馬韓東明金漣德安五都督
府各統州縣擢渠長為都督刺史縣令以理之

命郎將劉仁願守都城又以左衛郎將王文度為熊津都督撫其餘衆定方以所俘見上責而宥之王病死贈金紫光祿大夫衛尉卿許舊臣赴臨詔葬孫皓陳叔寶墓側并為豎碑授隆司隸卿文度濟海卒以劉仁軌伐之武王從子福信嘗將兵乃與浮屠道琛據周留城叛迎古王子扶餘豐嘗質於倭國者立之為王西北部皆應引兵圍仁願於都城詔起劉仁軌檢校帶方州刺史將王文度之衆便道發新羅兵以救仁願仁軌喜曰天將富貴此翁矣請唐曆及廟諱

而行曰吾欲掃平東夷領大唐正朔於海表仁
軌御軍嚴整轉鬪而前福信等立兩柵於熊津
江口以拒之仁軌與新羅兵合擊之我軍退走
入柵阻水橋狹墮溺及戰死者萬餘人福信等
乃釋都城之圍退保任存城新羅人以糧盡引
還時龍朔元年三月也於是道琛自稱領車將
軍福信自稱霜岑將軍招集徒衆其勢益張使
告仁軌曰聞大唐與新羅約誓百濟無問老少
一切殺之然後以國付新羅與其受死豈若戰
亡所以聚結自固守耳仁軌作書具陳禍福遣

使諭之道琛等恃衆驕倨置仁軌之使於外館
嫚報曰使入官小我是一國大將不合參不荅
書徒遣之仁軌以衆小與仁願合軍休息士卒
上表請合新羅圖之羅王春秋奉詔遣其將金
欽將兵救仁軌等至古泗福信邀擊敗之欽自
葛嶺道遁還新羅不敢復出尋而福信殺道琛
并其還豐不能制但主祭而已福信等以仁願
等孤城無援遣使慰之曰大使等何時西還當
遣相送二年七月仁願仁軌等大破福信餘衆
於熊津之東拔支羅城及尹城大山沙井等柵

殺獲甚衆仍令分兵以鎮守之福信等以真峴城臨江高嶮當衝要加兵守之仁軌夜督新羅兵薄城板堞比明而入城斬殺八百人遂通新羅饒道仁願奏請益兵詔發淄青萊海之兵七千人遣左威衛將軍孫仁師統衆浮海以益仁願之衆時福信既專權與扶餘豐寢相猜忌福信稱疾卧於窟室欲俟豐問疾執殺之豐知之帥親信掩殺福信遣使高勾麗倭國乞師以拒唐兵孫仁師中路迎擊破之遂與仁願之衆相合士氣大振於是諸將議所向或曰加林城水

陸之衝合先擊之仁軌曰兵法避實擊虛加林
嶮而固攻則傷士守則曠日周留城百濟巢穴
羣聚焉若克之諸城自下於是仁師仁願及羅
王金法敏帥陸軍進劉仁軌及別帥杜爽扶餘
隆帥水軍及糧船自熊津江往白江以會陸軍
同趨周留城遇倭人白江口四戰皆克焚其舟
四百艘煙炎灼天海水為丹王扶餘脫身而
走不知所在或云奔高句麗獲其寶劍王子扶
餘忠勝忠志等帥其衆與倭人並降獨遲受信
據任存城未下初黑齒常之彌聚亡散旬日間

歸附者三萬餘人定方遣兵攻之常之拒戰敗
之復取二百餘城定方不能克常之與別部將
沙吒相如據嶮以應福信至是皆降仁軌以赤
心示之俾取任存自效即給鎧仗糧此仁師曰
野心難信若受甲濟粟資寇便也仁軌曰吾觀
相如常之忠而謀因機立功尚何疑二人訖取
其城逢受信委妻子奔高勾麗餘黨悉平仁師
等振旅還詔留仁軌統兵鎮守兵火之餘比屋
凋殘殭屍如莽仁軌始命瘞骸骨籍戶口理村
聚署官長通道塗立橋梁補堤堰復坡塘課農

桑賑貧乏養孤老立唐社稷頒正朔及廟諱民
皆悅各安其所帝以扶餘隆為熊津都督俾歸
國平新羅古憾招還遺人麟德二年與新羅王
會熊津城刑白馬以盟仁軌為盟辭乃作金書
鐵契藏新羅廟中盟辭見新羅紀中仁願等還
隆畏衆攜散亦歸京師儀鳳中以隆為熊津都
督帶方郡王遣歸國安輯餘衆仍移東都護
府於新城以統之時新羅強隆不敢入舊國寄
理高勾麗死武后又以其孫敬襲王而其地已
為新羅渤海靺鞨所分國系遂絕

論曰新羅古事云天降金櫝故姓金氏其言可

恠而不可信臣修史改其傳之舊不得刪落其

辭然而又聞新羅人自以小吳金天氏之後故

姓金氏

見新羅國子博士薛因宣撰唐信碑及朴居多撰姚克一書三郎碑文

高勾麗亦以高辛氏之後姓高氏

身晉書載記

古史

曰百濟與高勾麗同出扶餘又云秦漢亂離之

時中國人多竄海東則三國祖先豈其古聖人


之苗裔耶何其享國之長也至於百濟之季所

行多非道又世仇新羅與高勾麗連和以侵軼

之因利乘便割取新羅重城巨鎮不已非所謂

親仁善鄰國之寶也於是唐天子再下詔平其
怨陽從而陰違之以獲罪於大國其亡也亦宜
矣

三國史記卷第二十八



史國三十五